

# 庶物類纂

穀屬

自十七至十八

容

太政官文庫			
和	特別	一	二
書	類	三	六
門	號	二	二
	函	五	四
	架	五	四
	冊	五	四

内閣文庫			
番號	和	32362	
冊數	465 (223)		
函號	特	54	1

四十三内

共三



A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak



三十三卷之三



庶物類纂穀屬卷之十七目次

青梁

白梁

赤梁

黃梁

秬

庶物類纂

卷十七

穀屬目次

青梁

青梁

青梁米味甘微寒無毒主胃痺熱中消渴止洩痢利  
小便益氣補中輕身長年陶隱居云凡云梁米皆是  
粟類惟其牙頭色異為分別爾青梁出此今江東少  
有汎音汎勝之書云梁是秭粟今俗用則不爾唐本注  
云青梁穀穗有毛粒青米亦微青而細於黃白梁也  
穀粒似青稞而少麤夏月食之極為清涼但以味短  
色惡不如黃白梁故人少種之此穀早熟而收少也  
作錫清白勝餘米臣禹錫等謹按孟詵云青梁米以

純苦酒一斗漬之三日出百蒸百暴好裹藏之遠行  
 一食十日不饑重食四百九十日不饑又方以米一  
 斗赤石脂二斤合以水漬之令相淹置於暖處一  
 三日上清白衣搗為丸如李大日服三丸不饑謹按  
 靈寶五符經中白鮮米九蒸九暴作辟穀糧此文用  
 青梁米未見有別出處其米微寒常作飯食之澀於  
 黃白米體性相似日華子云建脾治洩精醋拌百蒸  
 百暴可作糗糧嘉祐補註本草  
 今粟中有大而青黑色者是也其穀芒多米少稟受

金水之氣其性最涼而宜病人說曰青梁米可辟穀  
 以純苦酒浸三日百蒸百晒藏之遠行日一餐之可  
 度十日若重餐之四百九十日不饑也又方以米一  
 斗赤石脂三斤水漬置暖處一二日上青白衣搗為  
 丸如李大日服三丸亦不饑也按靈寶五符經中白  
 鮮米九蒸九暴作辟穀糧而此用青梁米未見出處  
明李東璧本草綱目  
 青梁穀穗有毛粒青米亦微青而細於黃白梁也穀  
 粒似青稞而少麤夏月食之極為清涼但以味薄色

惡不如黃白梁故人少種之此穀早熟而收少也作  
錫清白勝餘米

便民圖纂○明  
盧翰月令通攷

白梁

一名芭

爾雅

俗名十<sup>レ</sup>口<sup>ハ</sup>盞<sup>ハ</sup>法

白梁

芑白苗爾雅今之白梁粟皆好穀晉郭璞爾雅註

陶隱居云今處處有襄陽竹根者最佳所以夏月作

粟飡亦以除熱唐本注云白梁穗大多毛且長諸梁


都相似而白梁穀麤扁長不似粟圓也米亦白而大

食之香美為黃梁之亞矣陶云竹根竹根乃黃梁非

白梁也然梁雖粟類細論則別謂作粟飡殊乖的稱

也嘉祐補注本草

芑即今之白梁粟是也別名之為芑穗大多毛且長





於諸梁都相似而白梁殼粗扁長不似栗圓也米亦  
白而大食之香美為黃梁之亞耳陶隱居云是竹根  
竹根乃黃梁非白梁也

明吳元化毛  
詩草木攷

赤梁

一名麩爾雅

俗名盍アカ盍アハ盍アハ法

赤梁

麩赤苗

爾雅

今之赤梁粟

晉郭璞爾雅註  
十三經註疏

糜卽今之赤梁粟也別名之爲糜麩與糜音義同此種今人不甚珍此惟祀用之豐家種之以備他穀不

熟以當糧耳

明吳元化毛詩草木攷

廣志遼東赤梁魏武帝以爲御粥

廣雅曰粥糜饘也  
明陳仁錫潛確

居類書

蘇物類彙  
卷卅一

黄梁

蘇物類彙

卷卅一

穀屬

黄梁

一

黃梁

黃梁出蜀漢高浙間亦種之穗大毛長殼米俱麤於  
白梁而收子少不耐水旱食之香美逾於諸梁人號  
為竹根黃而陶註白梁云襄陽竹根者是此乃黃梁  
非白梁也

唐本草

沈既濟枕中記盧生遇呂翁同止逆旅主人方蒸黃  
梁翁取枕授盧云枕此榮適如願及寤黃梁尤未熟

唐段成式  
酉陽雜俎

開元中呂翁經邯鄲有盧生同止于邸主人方蒸黃

梁翁取囊中枕以授盧曰枕此當榮適如願生但記身適枕穴中未幾登第出入將相五十年榮盛无比其夕卒遂寤呂翁在旁黃梁尚未熟沈存中枕中記○合璧事類舊註引許叔重說黍大暑而種故稱黍梁性涼故稱梁按物性亦有涼而不稱梁者何獨梁以梁得名果爾則凡與梁同音如梁良之屬皆當云性涼也義難通況寇宗奭言青白梁微涼獨黃梁性味甘平得土之中氣則同一梁而性不涼豈得槩以性涼誣之許說紆鑿舊註失考正正字通

秠

- 一名衆爾雅 一名糯秠唐本草 一名糯粟同上 一名
- 黃糯本草綱目 一名黃米同上 一名高粱嘉興府志 一名
- 蘆稔曹縣志 一名高糧同上 一名葛同上

俗名麼七盍法

燕  
牛  
耨  
耨

耨  
耨  
耨  
耨

耨

衆耨

爾雅

謂黏粟也

衆音終 耨音述 晉郭璞爾雅註

衆一名耨謂黏粟

也說文云稷之黏者也與穀相似米黏北人用之釀

酒其莖稈似禾而粗大者是也

宋邢昺爾雅疏 十三經註疏

耨似粟而黏亦可為酒

唐顏師古急就篇註

陶淵明得太守送酒多以春耨水雜投之曰少延清

歡數日

淵明別傳○唐馮贇雲仙雜記

說文曰耨稷之黏者

廣雅曰耨稷粳也

禮記月令曰仲冬之月乃命大酋秬稻必齊酒熟曰酋大酋

官之長齊熟成也

又內則曰醴醢酒醴芼羹菽麥蕡稻黍梁秬惟所欲  
晉書曰陶潛 元亮為彭澤令在縣公田悉令種秬  
穀曰令吾常醉於酒足矣妻子固請種秬乃使二頃  
五十畝種秬五十畝種秬

管子曰黃墳黍秬

崔豹古今注曰稻之黏者為秬禾之黏者為黍

廣志曰有赤者有白者胡秬早熟及麥

養生要集曰秬米味酸以上太平御覽

陶潛為彭澤令在縣公田悉種秬曰令吾醉於酒足

矣妻子固請種秬乃使二頃五十畝種秬五十畝種

秬白孔六帖

元嘉中章安有入噉鴨肉乃成痕病胃滿面赤不得

飲食醫令服秬米潘湏史煩悶吐一鴨雛身喙翅皆

已成就惟左脚故綴昔所食肉病遂獲差宋劉敬叔異苑

陶隱居云此人以作酒及煮糖者肥軟易消方藥不

正用惟爵以塗漆及釀諸藥膠唐本注云此米功用

是稻秫也今大都呼粟糯為秫稻秫為糯矣此主亦  
 多以粟秫釀酒而汁少於黍米粟秫應有別功但本  
 草不載凡黍稷粟秫秠糯此三穀之秠音秫也臣禹  
 錫等謹按顏師古刊謬正俗云今之所謂秫米者似  
 黍米而粒小者耳亦堪作酒孟詵云秫米其性平能  
 殺瘡疥毒熱擁五藏氣動風不可常食北人往往有  
 種者代米作酒耳又生搗和雞子白傳毒腫良根煮  
 作湯洗 又米石石麴三斗和地黃一斤茵陳蒿一  
 斤炙令黃一依釀酒法服之治筋骨攣急日華子云

無毒犬咬凍瘡並嚼傳

嘉祐補注本草

秫米初搗出淡黃白色經久色如糯用作酒者是此

米亦不堪為飴最粘故宜酒

宋寇宗奭本草衍義

秫字篆文象其禾體柔弱之形俗呼糯粟是矣北人

呼為黃糯亦曰黃米釀酒劣於糯也

明李東璧本草綱目

秫即梁米粟米之粘者有赤白黃三色皆可釀酒熬

糖作饗糕食之蘇頌圖經謂秫為黍之粘者許慎說

文謂秫為稷之粘者崔豹古今註謂秫為稻之粘者

皆誤也惟蘇恭以粟秫分秠糯孫炎註爾雅謂秫為



粘粟者得之上同

秠米即黃米氣味甘微寒無毒說曰性平不可常食  
擁五臟氣動風迷悶人時珍曰按養生集云味酸性  
熱粘滯易成黃積病小兒不宜多食上同

種秠黍宜下地春月早種收多其子可食稽稗可夾  
籬寨又作柴燒城郭間貨賣多得濟益也明盧翰月令通攷

爾雅衆秠謂黏粟也說文云與穀相似米黏北人用  
之釀酒其莖稗似禾而麤大者是也孫炎注曰秠稷

粟也明陳耀文天中記

機謹按事言要玄集同

秠圖經文具黍米下秠糯也北人種以代米作酒黍  
梁黍並曰秠粟唐本註乃稻秠也今大都呼粟糯為  
秠稻秠為糯矣凡黍稷粟秠秠糯此三穀之秠秠也  
則稷亦有秠焉顏師古云秠似黍米而粒小者耳北  
人謂秠為黃米亦為之黃糯釀酒比糯稻差劣也然  
關中呼糜為黃米糜不謂之稷乎故說文解字曰秠  
稷之粘者是爾然本經且以糯為稻米則秠屬稻尤  
多矣大抵北人多黍南人多稻其各有稷有糯而糯

蘇恭  
蘇恭  
蘇恭

可釀者秠也 碣石 叢談

爾雅衆 終音 秠註謂黏粟也疏與穀相似其莖稈似禾

而麤大者是也 廣志有胡秠早熟及麥 齊民要

術按今世有黃粱穀秠桑根秠穗天培秠也 晉書

孔羣傳羣性嗜酒嘗與親友書云今年田得七百石

秠米不足了麴蘖事 聞奇錄徐庭實巡官說乾符

中武義縣有人入山掘地二尺忽陷丈餘深數尺收

得秠百斛莫知其由將醞酒其味濃厚 佩文齋廣 羣芳譜

秠食律切音術稷粟也北人呼黃稷亦名黃米蘇恭

曰今人呼粟稷為秠北土以釀酒汁少于黍米凡黍

稷粟秠粳稷數種皆有秠稷也李時珍曰秠即梁米

粟米之黏者分赤白黃三色蘇頌圖經謂秠為黍之

黏者說文謂秠為稷之黏者崔豹古今註謂秠為稻

之黏者皆誤也惟蘇恭以秠粟分秠稷孫炎註爾雅

謂秠為黏粟者得之○本作秠說文篆作𥝱或省禾

作禾象禾形舊本作秠非今俗通以秠為黏米禾為

服食藥名如神農書蒼白禾之類未詳秠即禾之重

文也又同文備考秠為稷有行列借秩序字引書平

無物類纂 卷二十一 穀屬 秠 六

秩謂別从失作秩譌蓋誤以秭為秩本字欲廢秩字

不可從清廖文英正字通

糯粟此種北地最多呼為高粱江浙則少僅於墩岸

間植之不以充食嘉興府志

秭稻之黏者俗名稗可為酒以晚者為佳祁陽縣志

早秭春種夏收晉江安溪出

晚秭秋種冬收晉江出

大冬秭春種冬收或白或赤七邑俱有山縣多

赤莠秭春種秋熟莠穗赤色米白即荔枝秭南安同

安德化出

牛頭秭春種秋熟一名好穀而清香南安出

白鬚秭即赤六南安出以上泉州府志

本草釋名糯秭亦曰糯粟亦曰黃糯北人呼為黃米

釀酒劣於糯稻今按奉錦二郡粟曰飯穀其米白小

米秭曰粘穀其米曰小黃米盛京通志

糯也有赤糯白糯黃糯油糯烏豚糯斑魚糯羊鬚糯

荔枝糯番鬼糯水流糯旱糯早糯紐糯性歎味香美

粒長三分極大昔無今有番鬼糯一名番生羊鬚糯

蘇頌 蘇頌 蘇頌

一名羊眼 高要縣志

紅白二種白者宜飯紅而粘者宜糕俗呼曰高糧 輔

通志

玉秫具五色粒肥大味美 同上

亦作糯可釀酒 揚州府志

秫南方謂之蘆稭北人謂之高糧曹俗謂之蜀有數

種黏者用以釀白酒 曹縣志

蜀秫說文云稷之粘者亦名秫即糯也 遵化州志

糯粟此種北地最多呼為高粱 嘉興縣志

機謹按說文云秫稷之黏者廣雅云秫稷粳也崔  
豹古今注云稻之黏者為秫蘇頌謂秫為黍之黏  
者皆誤也本邦之先子亦養此誤而呼秫訓磨七  
各覓或訓磨七結虛共非也郭璞孫炎註爾雅謂  
秫為黏粟蘇恭李東璧從之為黏粟者當為準

蘇頌 蘇頌 蘇頌 穀屬 秫

庶物類纂

卷之十八

庶物類纂穀屬卷之十八目次  
粟

庶物類纂

卷之十八

穀屬目次

麻  
牛  
穀  
類  
卷  
一  
)

粟

一名粢

爾雅註

一名秬粟

本草綱目

一名小米

同上

俗名盍ア法ハ又名各盍ア法ハ又名月ヰ那ノ各盍ア法ハ  
州  
前筑

燕  
勿  
類  
纂

卷  
一  
八

穀  
屬

粟

一

麻  
牛  
穀  
類  
卷  
一  
)

粟

粟助陽扶性粟之為言續也粟五變一變而以陽生  
為苗二變而秀為禾三變而祭然謂之粟四變入臼  
米出甲五變而蒸飯可食陽以一立為法故粟積大  
一分穗長一尺文以七列精以五六立故其字粟為  
粟西者金所立米者陽精故西字合米而為粟  
春秋說題辭

西膜之所謂木禾

木禾粟類也長五尋大五圍見山海經云

重繇氏之所

食

穆天子傳

員嶠山不周之粟粟穗高三丈粒皎如玉鵲銜粟飛於中國故世俗間往往有之其粟食之歷月不飢故

呂氏春秋云粟之美者有不周之粟焉晉王子年拾遺記

宋高祖之初年當晉饑饉之後即位以來江表二千

餘里野粟生焉梁任昉述異記

爾雅曰藿赤苗芑白苗藿赤梁粟也芑白梁粟也又曰粢稷今江東呼

粟為粢也孫炎曰稷粟也

春秋說題辭曰粟五變生為苗秀為禾三變而祭謂之粟四變曰米五變而蒸飯可食

莊子曰莊周往貸粟於監河侯監河侯曰諾我將得邑金貸子三百金可乎周忿然曰若乃言此不如早索我枯魚之肆

商君書曰金一兩生境內粟一十二石死於境外粟十二石生於境內金一兩死於境外國好生金於境內則金粟兩死府庫兩虛國弱好生粟於境內金粟兩生倉府兩實國強

史記曰伯夷叔齊聞西伯善養老往歸焉值武王東伐紂叩馬諫左右欲刃之太公曰此義人也扶而去



之武王平殷亂天下宗周伯夷叔齊耻之義不食周粟而餓死又曰宣曲任氏之先爲督道倉吏秦之敗豪傑皆爭取金玉而任氏獨窖倉粟楚漢相距滎陽民不得耕種米至貴已而豪傑金玉盡歸任氏以此起富又曰漢興七十餘年太倉粟陳陳相因充溢露積於外至腐敗不可食也

說苑曰高平王遣使者從魏文侯貸粟文侯曰須吾租收邑粟至乃得也使者的曰臣初來時見瀆中有魚張口謂臣曰吾窮水魚命在呼吸可得灌乎臣謂之

曰待吾南見河伯之君決江淮之水灌汝口魚曰爲命在須臾及須決淮之水比至還必求吾於枯魚之肆今高平貧窮故遣臣請君貸粟乃須租收粟至者大王必求臣死人之墓矣

桂陽先賢書贊曰成丁郴人能達鳥鳴爲郡主簿與衆人俱坐聞雀鳴而笑曰東市輦粟車覆雀相呼往食之家人遣視信然

賈誼書曰鄒穆公有令食鳧雁者必以糝無敢以粟於是倉無糝而求易於民二石粟得一石糝吏以請

曰糝食鳧雁為無費也今求糝於民二石粟而易一石糝食雁則費甚矣請以粟食之穆公曰去非爾知也夫百姓餉牛而耕暴背而耘勤而不敢惰者豈為鳥獸哉粟米人上食也奈何以其養鳥且汝小計而不知大害以上唐歐陽詢藝文類聚

粳粟米五穀中最硬得漿水易化倉硬米炊作乾飯食之止痢唐李石續博物志

歸藏曰剝良人得玉小人得其粟

河圖說微曰蒼帝起天雨粟也

尚書仲虺之誥曰肇我邦于有夏若苗之有莠若粟

之有糝孔安國註曰始我商家國於夏世欲見剪除若莠生苗糝在粟恐被鋤治傷之也

毛詩曰握粟出白自作能穀

機謹按淵鑑類函白作卜

又小宛曰交交桑扈率場啄粟

周禮地官下曰倉人掌粟入之藏鄭玄註曰九穀盡藏以粟為主

禮記曲禮上曰敝粟者執右契契券要右尊也

禮記祭法曰父母既歿必求仁者之粟以祀之謂禮

終

庶物類纂 卷十一

左傳僖上曰冬晉荐飢乞糴于秦輸粟于晉自雍及終相繼命之曰汎舟之役

機謹按淵鑑類函荐作薦秦字下有秦伯二字終

作絳

又襄元曰季文子卒大夫入斂無衣帛之妾無食粟之馬

又襄六曰鄭子皮即位於是鄭飢而未及於麥民病子皮以子展之命餼國人粟戶一鍾

機謹按淵鑑類函一作八

又昭六曰夏會于黃父謀王室也王室有子朝趙簡

子令諸侯之大夫輸王粟亂謀定之

春秋佐助期曰栗神名許給姓慶天

機謹按說郛中春秋佐助期無此說

又說題辭曰高而平者為原平而和者故宜粟

機謹按說郛中說題辭無此說

春秋潛潭巴曰天雨粟無德者與有德者不祿小人進大臣辱

機謹按說郛中潛潭巴無此說

庶物類纂 卷十一 穀屬 粟 六

公羊傳僖上曰秋齊侯宋公江人黃人會於陽穀桓

公無障谷無貯何休注曰有無相通

穀梁傳莊公曰諸侯無粟諸侯相歸粟正也

論語雍也曰子華使於齊冉有為其母請粟子曰與

之釜請益曰與之庾原思為之宰與之粟九百辭子

曰無以與爾鄰里鄉黨乎

周禮曰神農之時天雨粟神農耕而種之作陶冶斤

斧破木為耜鉏耨以墾草莽然後五穀興以助菓蔬

之實

史記曰武平殷亂天下宗周伯夷叔齊恥之義不食

周粟

又曰宣曲任氏之先為督道倉吏秦之敗豪傑皆爭

金玉而任氏獨窖倉粟楚漢相拒滎陽民不得耕種

米石至萬金而豪傑金玉盡歸任氏任氏以此起富

又曰漢興七年餘年之間國家無事非遇水旱之災

太倉之粟新陳相因充溢露積於外至腐敗不可食

也

機謹按藝文類聚七年作七十新陳作陳陳

又曰文帝從淮南王道死民歌曰一斗粟尚可舂一尺帛尚可縫兄弟兩人不能相容

又汲黯傳曰河內失火上使黯往視之還報曰河內人或父子相食臣謹發河南倉粟以賑貧乏上賢而釋之

史記曰大將軍青遂至寘顏山趙信城得匈奴積粟倉軍留一月而還悉燒其城餘粟以歸

漢書曰酈食其說齊王曰漢英豪賢為才皆樂之用諸侯之兵四面而至蜀漢之粟方船而下

又曰公孫弘起家徒步為丞相故人高賀從之食以脫粟米飯覆以布被賀怒曰何用故人富貴為脫粟布被我自有之乃退去

又曰父主偃諫伐匈奴曰秦始皇使天下飛芻輓粟起於東陸琅琊貞海之郡轉輸北河率三十種而致一石

機謹按淵鑑類函父主作主父自作負

又曰秦將王離涉河圍鉅鹿章邯軍其南築通而輸之粟

又曰神農之教曰有石城十仞湯池百步帶甲百萬而亡粟弗能守

汜勝之書又載

又東方朔傳曰侏儒長三尺俸一囊粟錢二百四十臣長九尺餘亦俸一囊粟錢二百四十侏儒飽欲死臣朔飢亦死

機謹按藝文類聚亦下無俸字飢亦之亦作欲

又曰賈捐之上書曰武帝元狩六年太倉之粟紅腐不可食

謝承後漢書曰丹陽方儲字聖明曉風角占候為章

句長民田還置餘二石及刀鋤於田陌上明日求之亡去疑其鄰家儲曰此人非偷者呼縣功曹語曰君何取粟置家後積麥中功曹歎服

後魏書曰世祖引高允與論刑政言甚稱旨因問允曰萬機之務何者為先是時多禁封良田又京師遊食者衆允因言曰地方一里則為田三頃若勤之則畝益三升不勤則畝損三升方百里損益數率為粟一百一十二萬斛况以天下之廣乎若公私有儲雖遇飢年復何憂哉世祖善之遂除田禁

機謹按淵鑑類函一百作二百無遇字

後魏書曰偉耻字尊顯少有志業年十八辟州主簿時屬歲險耻以家粟造粥以飼飢人所活甚衆

晉史曰高祖性嚴而難犯事多親決嘗有店婦與軍士墾訴明誤無以自明帝為鞠吏曰雖屬官吾可市而代之兩訟未分何以為斷可殺馬剗腸視其粟有

則軍士誅無則婦人死遂殺馬馬傷無粟因戮其婦境內肅然莫敢以欺

呂氏春秋曰飯之美者玄山之禾不周之粟不周山在崑崙

山陽山之稌南海之秬崙崙之南故曰陽山稌關西為之糜秬黑黍也

淮南子曰黃帝治天下力牧太山嵒輔之狗彘吐菽粟於道路而無忿爭之心

機謹按藝文類聚忿作分

又曰昔者蒼頡作書而天雨粟高誘注曰蒼頡始視鳥跡之文而造書者

也有書契則詐譌萌生財去本走末弃耕作業而務錐刀之利天知其將饑故雨粟也

王子年拾遺記曰東極之東有龍枝之粟言其枝屈曲若游龍食之善走又有鳳冠粟似鳳之冠食者令人多力有雲渠粟叢生葉似扶渠食之益顏色粟莖

庶物類纂 卷十一

赤黃皆長二丈千株叢生

京房易妖占曰天雨粟不肖者食祿與三公易位天  
雨稻黍者亡天雨稻大臣嘗扑誅

任昉述異記曰光武興洛陽斗粟萬錢人死者相枕  
漢末

又曰馬不食脂桑扈不啄粟非廉也

又曰粟得水而熟甑得火而液水中有火火中有水

疾雷破石陰陽相薄自然之勢

風俗通曰燕太子丹仰歎天為雨粟

汜勝之書曰欲知歲宜以布囊成粟等量埋於陰地  
冬至大飢江淮間童謠云大兵如市人死如林持金  
易粟粟貴如金洛中謠云雖有千金黃無如我斗粟  
斗粟自可飽千金何所直袁紹在冀州時滿市黃金  
而無斗粟餓死者相食人為之語虎豹之口不如飢  
人劉備在荊州粟與金同價永嘉之亂洛中飢荒懷  
帝遣人觀市珠玉金銀填委市門而無粟麥袁宏上  
表云田畝由是丘墟都市化為珠玉

機謹按天中記成粟作盛粟

庶物類纂 卷十一 穀屬 粟 十一



麻物類考卷之十一

晉書曰宋高祖之初當晉末飢饉之後既即位而江表二千餘里野粟生焉

周書曰神農時天雨粟神農耕而種之然後五穀興

以助果實以上太平御覽

漢紅粟流衍大倉之粟紅腐不可食陳陳相因

開元中定式王公以下每年戶別據所種田畝別

稅粟二升以為義倉其商賈戶若無田及不足者上

上戶稅五石上中以下遞減各有差

天寶中凡天下諸色米計九千六百六萬二千二

百二十石和糴一百一十三萬九千五百三十石以上

白乳六帖

沅湘間多山農家惟植粟且多在岡阜每欲布種時

則先伐其林木縱火焚之俟其成灰即布種於其間

如是則所收必倍蓋史所言刀耕火種也宋許觀東齊記事

馬韓國出大粟如梨崑山方鳳夷俗考

秦始皇四年令民納粟千石拜爵一級按此即晁錯

之所祖效非錯初意宋程大昌演繁露

納粟補官國初無天禧元年四月登州年平縣學究

鄭巽出粟五千六百石振饑乞補第巽不從晁迥李  
維上言乞特從之以勸來者豐稔卽止詔補三班借  
職今兼信郎自後援巽例以請者皆從之然州縣官不許  
接坐止令庭參熙寧元年八月詔給將作監主簿齊  
郎助教牒募民實粟于邊此古人募民實粟塞下遺  
意也因記淳熙間詔以旱故募出粟拯民二千石補  
初品官而龍舒一郡應格者數人郡以姓名來上孝  
宗皇帝疑而不與仲父軒山先生力諫以爲失信於  
人恐自後歉歲無應募者存宗亟從之已而應募者

衆


宋晉陽王球  
燕翼貽謀錄

文公得玄山之粟而美之欲種之宮中問於冀缺對  
曰臣嘗服稼穡之事矣凡五穀必以種今君所植者  
末也種之必不能生公曰寡人不慧不知稼穡微子  
之言惑其不解乎冀缺曰務農重穀國之本也君之  
言及此晉國之福也

武林吾衍  
晉史乘

粟米味鹹微寒無毒主養腎氣去胃脾中熱益氣陳  
者味苦主胃熱消渴利小便陶隱居云江東所種及  
西間皆是其粒細於梁米熟舂令白亦以當白梁呼


爲白梁粟陳者謂經三五年者或呼爲梁音咨米以作粉尤解煩悶服食家亦將食之唐本注云粟類多種而並細於諸梁北土常食與梁有別陶云當白梁又云或呼爲粢粢則是稷稷乃稭音祭之異名也其米泔汁主霍亂卒熱心煩渴飲數升立差泔止消渴尤良米麥麩味甘苦寒無毒主寒中除熱渴解煩消石氣蒸米麥熬磨作之一名糗也臣禹錫等謹按孟詵云粟米陳者止利甚壓丹石熱顆粒小者是今人聞多不識耳其梁米粒麤大隨色別之南方多奮

田種之極易春粒細香美少虛怯祇爲灰中種之又不鋤治故也得北田種之若不鋤之卽草翳死若鋤之卽難春都由土地使然耳但取好地肥瘦得所由熟犁又細鋤卽得滑實陳藏器云粉解諸毒主卒得鬼打水攪服之亦主熱腹痛鼻衄並水煮服之稊粟總堪爲粉粟強浸米至敗者損人嘉祐補註本草粟米利小便故益脾胃宋寇宗奭本草衍義粟古文作象穗在禾上之形而春秋題辭云粟乃金所立米爲陽之精故西字合米爲粟此鑿說也許

慎云粟之為言續也續於穀也古者以粟為黍稷梁  
秠之總稱而今之粟在古但呼為梁後人乃以梁之  
細者名粟故唐孟詵本草言人不識粟而近世皆不  
識梁也大抵粘者為秠不粘者為粟故呼此為私粟  
以別秠而配私北人謂之小米也  
明李東璧  
本草綱目  
粟即梁也穗大而毛長粒粗者為梁穗小而毛短粒  
細者為粟苗俱似茅種類凡數十有青赤黃白黑諸  
色或因姓氏地名或因形似時令隨義賦名故早則  
有趕麥黃百日糧之類中則有八月黃老軍頭之類

晚則有鴈頭青寒露粟之類按賈思勰齊民要術云  
粟之成熟有早晚苗稈有高下收實有息耗質性有  
強弱米味有美惡山澤有異宜順天時量地利則用  
力少而成功多任性返道勞而無獲太抵早粟皮薄  
米實晚粟皮厚米少  
同上  
粟俗云穀

粟米即小米  
高邑趙南星  
上醫本草  
種粟穀浸穀用臘雪水浸過耐旱辟蟲傷春種欲深  
夏種欲淺凡種穀遇小雨宜趁濕種大雨鋤一遍然



後種種鋤不厭頻多鋤則不秠細而結實熟則宜速

刈乾則宜速積過熟則拋費明盧翰月令通攷

背明之國有搖枝粟其枝長而弱無風常搖食之益

髓有鳳冠粟似鳳之冠食之令人多力有龍枝粟其

枝屈曲似游龍李日華時物典彙

又有搖枝粟其枝長而弱無風常搖食之益髓有鳳

冠粟似鳳鳥之冠食者多力有遊龍粟葉屈曲似遊

龍也有瓊膏粟白如銀食此二粟令人輕骨明陳禹謨駢志

說文粟嘉穀實也孔子曰粟之為言續也粟為陸種

之首明陳耀文天中記

宋高宗之初當晉末飢饉之後既即位而江表二千

餘里野粟生焉又淮南諸山石穀生石上生穀也袁

安云石穀藥名穗之尤小者是也述異記

周書武王散鹿臺之財發鉅橋之粟大賚于四海而

萬姓悅服明彭大翼山堂肆考

粟說文粟禾子也嘉穀之實也江東人呼粟為粢同上

桓公放春三月觀於野桓公曰何物可比於君子之

德乎隰明對曰夫粟內甲以處中有卷城外有兵刃

未敢自恃自命曰粟此其可比於君子之德乎管仲曰苗始其少也眴眴乎何其孺子也至其壯也莊莊乎何其士也至其成也由由乎茲免何其君子也天下得之則安不得則危故命之曰禾此其可比於君子之德矣桓公曰善

明李九標枕書

叢談

石碣

說文曰粟嘉穀實也粟之為言續也

曲禮曰獻粟者執右契

又祭法曰父母既没必求仁者之粟以祀之

春秋說題辭曰粟五變以陽化生為苗秀為禾三變而發謂之粟四變入曰米出甲五變而蒸飯可食之春秋說題辭曰陽以一立為法故粟積一大分穗長一尺文以七列精以五立故其字西米為粟西者金所立米者陽精故西字合米為粟謝承後漢書曰烏丸國其地宜稼

墨子曰世俗之君子視義士不如視負粟者今有人於此負粟息於路側欲起而不能君子見之無長少貴賤必起之何重故也今為義之君子奉承先王之

道以語之縱不說而行又從而非毀之則是世俗之君子視義士不若視負粟者

荀卿子曰仁義禮善之於人也譬之若貨財粟米之於家也

商君書曰金一兩生於境內粟一十二石死於境外粟一十二石生於境內金一兩死於境外國好生金

於境內則金粟兩死府庫兩虛國弱好生粟於境內則金粟兩生倉府兩實國強

周書曰神農之時天雨粟神農耕而種之作陶冶斤斧破木為耜鉏耨以墾草芥然後五穀興以助果臝之實

機謹按藝文類聚芥作莽

淮南子曰黃帝治天下力牧泰山稽輔之狗彘吐菽粟於道路而無分爭之心

又曰昔者倉頡作書而天雨粟倉頡始視鳥迹之文而造書者也有書契

則作偽萌生財去本趣末棄耕作之業而務錐刀之利天知其將饑故為雨粟

雒書說禾曰倉帝起天雨粟青雲扶日

六韜曰發鉛橋之粟散鹿臺之金錢以與殷民

史記曰伯夷叔齊聞西伯善養老往歸焉值武王東伐紂扣馬諫左右欲刃太公曰此義士也扶而去之武王平殷亂天下宗周伯夷叔齊恥之義不食周粟而餓死

管子曰桓公觀於野曰何物可比君子之德隰朋曰粟可比君子之德管仲曰苗始出生也朐朐音乎似

孺子安之則安不得則危故命之曰禾可比君子桓公曰善

左傳曰鄭饑而未及麥民病子皮以子展之命餼國人粟戶八鍾

又曰夏會於黃父謀王室也趙簡子令諸侯之大夫輸王粟述異記曰闔廬伐楚五戰入郢燒高府之粟孔叢子曰季桓子以粟十鍾餼夫子受而班門人之無者子貢曰季孫以夫子貧故致粟今而施人無乃乖彼意乎子曰吾受而不辭為季孫之惠受不為富



惠於一人豈若數百人哉

又曰子思居貧其友有饋之粟者受二車焉或獻尊酒東脩子思曰爲費而無當也或曰子取人粟而辭酒是辭少而受多也於義無名於分則不全行之何也子思曰然仍不幸而貧至及困乏將絕先人之祀夫所以受粟爲周之也酒脯則所飲讌也方之於食而乃飲讌非義也吾豈以爲分哉度義而行之

漢書曰大將軍青遂至寘顏山趙信城得匈奴積粟倉軍留一月而還悉燒其城餘粟以歸

鄒子曰朱買臣貧賤之時孳孳修藝不知雨之流粟志在經傳也

古今注曰武帝建元四年天雨粟宣帝地節三年長安雨黑粟竟寧元年南陽山都縣雨粟色青黑味苦大者如小豆小者如麻子

桓階別傳曰階爲趙郡太守路有遺粟一囊耕者得之舉以繫樹數日其主聞還取之

桂陽先賢書贊曰成丁郴人能達鳥鳴爲郡主簿與衆人俱坐聞雀鳴而笑曰東市輦粟車覆雀相呼往

食之衆人遣視信然

農書曰晉末荊州久雨粟化為蟲蟲害民春秋云穀之飛為蟲是也中郎王義興表曰臣聞堯生神禾而晉有蟲粟陛下自以聖德何如也帝有慙色

又曰宋高祖之初當晉末饑饉之後既即位而江表二千餘里野粟生焉

汜勝之書曰神農之教雖有石城湯池帶甲百萬而無粟者弗能守也夫穀帛實天下之命衛尉前上蠶法今上農事人所忽略衛尉勤之可謂忠國憂民之

患  
以上淵  
鑑類函

庶外類纂

卷十一

